

Broj: 05-02/1-955/22 EZ
Sarajevo, 17.03.2022. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno: 22-03-2022			
Org. jed.	Broj	Priloga	Vrijednos
05/11	-02-	87	122

PARLAMENT FEDERACIJE BOSNE I HERCEGOVINE
PREDSTAVNIČKI DOM

n/r g-din Miličević Ivan, sekretara
n/r g-đe Kokić - Hinović Adise, poslanice

BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BOSNE I HERCEGOVINE
n/r g-đe Kalajdžić Edite, sekretara Vlade

PREDMET: Odgovor na poslaničku inicijativu, **dostavlja se,**

VEZA: Akt sekretara Predstavničkog doma Parlamenta Federacije BiH broj: 05/1-02-87/22 od 09.03.2022. godine i akt sekretara Vlade Federacije BiH broj: 03-04-321-2/22 od 15.03.2022. godine

Poštovane/i,

Na osnovu akata veze, dostavljamo Vam odgovor na poslaničku inicijativu koju je podnijela na 30. sjednici Predstavničkog doma Parlamenta Federacije BiH, održanoj dana 09.03.2022. godine, poslanica Adisa Kokić - Hinović.

Inicijativa se odnosi na izmjene i dopune Pravilnika o standardima za rad i pružanje usluga u ustanovama socijalne zaštite u Federaciji Bosne i Hercegovine („Službene novine Federacije BiH“, br. 15/13 i 44/16) u dijelu koji se odnosi na definisanje i navođenje stručnih radnika u ustanovama, a dodavajući i mogućnost angažman socijalnih pedagoga.

Odgovor: Federalno ministarstvo rada i socijalne politike svojim aktom broj: 05-02/1-349/221 EZ od 04.03.2022. godine izjasnilo se Vladi Federacije BiH i Udruženju socijalnih pedagoga povodom predmetne inicijative za izmjenu i dopunu Pravilnika o standardima za rad i pružanje usluga u ustanovama socijalne zaštite u Federaciji Bosne i Hercegovine koji propisuje broj i sastav stručnog kadra kojeg centri za socijalni rad kao i ustanove socijalne zaštite treba da osiguraju.

Shodno navedenom, Federalno ministarstvo rada i socijalne politike uzet će u obzir i razmotriti predloženo prilikom donošenja Zakona o socijalnim uslugama u Federaciji Bosne i Hercegovine, kao i podzakonskog akta kojim će se regulisati uslovi i standardi za pružanje i ostvarivanje usluga socijalne zaštite.

Međutim, i pored navedenog, smatramo da postojeća odredba člana 66. Pravilnika o standardima za rad i pružanje usluga u ustanovama socijalne zaštite u Federaciji Bosne i Hercegovine, ostavlja mogućnost upošljavanja osoba sa stručnim zvanjem dipl. socijalni pedagog.

Naime, odredbom člana 66. stav (1) navedenog Pravilnika kao stručni radnici za tretman i pružanje usluga u centru za socijalni rad propisani su socijalni radnik, pravnik, psiholog, pedagog i sociolog. Nadalje, odredbom člana 66. stav (3) predmetnog Pravilnika propisano je da pored navedenih stručnih radnika centar može angažirati i stručnjake drugih profila. Dakle, u konkretnom slučaju ovo ministarstvo smatra da upošljavanje i rad zaposlenika sa stručnim zvanjem dipl. socijalni pedagog nije protivno odredbama člana 66. Pravilnika o standardima za rad i pružanje usluga u ustanovama socijalne zaštite u Federaciji Bosne i Hercegovine.

Nadalje, prilikom definiranja standarda u pogledu stručnog kadra u ustanovama socijalne zaštite prvenstveno se vodi računa o djelatnosti ustanove, kategoriji smještenih korisnika, potrebnom stručnom radu i tretmanu korisnika te postojećem stanju u pogledu stručnog kadra u ustanovama socijalne zaštite.

S poštovanjem,

Dostavljeno:

- Naslovu
- Sektoru za socijalnu zaštitu i zaštitu porodice i djece
- a/a

